

NUNARSUAQ TAMAKKERLUGU ATUARNEQ

ATUA RAKET

LÆSERAKET
UKIUNI
20-NI

GHANAP AVANNA TUNGAANI ATUARNEQ



VERDENSMÅL
for bæredygtig udvikling



OXFAM DANMARK

SAQQAANI ASSEQ

Sheilla 8-nik ukiulik
Sabobamilu najugalik
pillugu qupp. 10-mi
atuarsinnaavutit.



Oxfam IBISip nunat tamat
anguniagaasa 4-p eqquutinne-
qarnissaa sulissutigaa meeqqat
tamarmik atuarfimmi pitsaasumi
atualerniassammata.

AtuaRaketip atuarneratigut
tamatumunnga suleqataavutit.



ATUA RAKET

Tikilluaritsi Atuaraket 2023-mut / **4**

Atuarfik pitsaasoq aqqutissaavoq / **6**

Ghanap avannaa tungaanukaqatigisigut / **8**

NUKARLIIT

Sheilla atuartullu uniformia / **10**

Eqalu aamma Uka · *Theodor Stofferip oqaluttualiaa* / **22**

Ezekiel kuup sinaamiu / **32**

ILIKKAGAQARNERUGIT PEQATAALLUTILLU

Meeqqat Atuaraketimiittut Ghanalu pillugit
paasisaqarnerugit / **44**

Nunat anguniagaat neriutitnik ulikkaarput / **45**

Oxfam Danmarkip ilinniartitaanermik suliai / **46**

Aktionsugen: Rapperluta meeqqat tamaasa
atualertissavagut / **48**

Katersuiniarneq: Ghanami niviersiaqqat ikiortigit / **49**

Danmarkimit allakkat / **50**

Ghanamut allakkisi / **51**

AKULLIIT

Bilengban – nukappiaraq passimmiulik / **52**

Happy nammineerusuppoq / **60**

Silarsuaq sioraannaasoq · *Maria Fuhlendorffip
oqaluttualiaa* / **68**

Rafikip qaamini qileroqalernera / **80**

Ghanami atuarfiit ilai immikkut ittut / **86**

Aasiak qummuattarlu ilisimasaasivik

– Ghanamiut oqaluttuaataat / **88**

Rahip unammeqqaarnera / **90**

LæseRaketten ukiuni 20-ni / **98**

ATUARAKETIMUT



Ukioq manna Ghanaliassaagut. Nunamut alianaatsumut, sissaa qaqortunik sioralik, koorujussualik, illoqarferujussualik illoqarfeerarpassualillu Afrikap Kitaaniittumut. Innuttaasa assigiinngitsut eqqumiitsuliornermik, nipilersornermik qitinnermillu kultureqarnertik tusaamasaassutigaa.

Ghana ukiuni kingullerni 30-ni pisuujunerulernikuuvoq, tamannali ilaannaasa malugaat. Nunap kujataani najugallit pigissaarnerulersimapput; avannaanili najugallit affaasa missaat suli pitsuullutik inuupput. Ilaqutariit amerlasuut meeqqamik atuarnissaat akissaqartinngilaat. Tamaani meeqqat pingasuugaangata ataaseq atuartuuneq ajorpoq.

Taamaammat Oxfam Danmark nunap avannaaniunerusoq suliaqarpoq. AtuaRaketip tamaani meeqqat ilaqutaat, atuarfii ilinniartitsisuiulu tikeraarpai. Ilaatigut Bilengban tusarfigissavarput. Silami qaliaasaannalimmi atuartarpoq nakorsanngorusullunilu. Aamma Happy, ilinniartitsisuminik assut nuannaartorinnittoq. Ezekiel sapaammi atuarfiusartumiittartoq. Kiisalu Rahi, niviarsiaqqat atuarkianniittoq atuarkiullu isikkamik arsaattartuisa unammisartuinut ilanngunnissaminik takorluugalik alakkassavarput.

LæseRaket 20-ssaat saqqummerpoq, atuagaq taanna aqqutigalugu Oxfam Danmarkip atuartut silarsuarmut paasissarsiortittarpai. Ukiut ingerlanerini ilinniartitsisut atuartullu atuakkat 2 millionit sinnillit pinikuuat. Atuaqataasarneri nuannareqaarput.



Atuarluarisi.

Line Gørup Trolle
Kampagneleder, Hele Verden i Skole

ATUARFIK PITSAASOQ AQQUTISSAAVOQ

Ghanami atuartut ilaasa issiavik marluukkaat pingasukkaalluunniit naammattortarnikuuakka. Atuartut ilaqutariinnit piitsuunerpaaneersut affaasa missaasa 6. klassi naammassisarpaat. Amerlasuut sulii atuarunnaajaarnerusarput, ingammik niviarsiaqqat.

Ghanap avannaani najugallit kujataani illoqarfiillu pingaarnersaanni najugalinnit piitsuunerupput. Taamaattumik Oxfam Danmark ukiorpassuarni meeqqat avannaani najugallit amerlanerusut atuartuunissaanik suliniutillit tapersersugarai, ilaquutaasimavortumi. Illoqarfeeqqani atuarfinnik sanaartorneq peqataaffigaarput. Nukarliit atuarfiit ungasippallaarneri pequtugalugit atuartarsimangillat. Niviarsiaqqat angerlasimaffimmi ikiuunniassammata atuarunnaajaartinneqartarsimapput. Taamaammallu piffinni arlalinni niviarsiaqqanut atuarfiliorneq tapersersortarsimavarput.

Ilinniagaqarneq pitsaanerusumik siunissaqarnissamut aqqutissaavoq. Atuarfik pitsaagaangat meeqqat ilikkakkatik ilaquuttaminnut ingerlateq-qittarpaat. Nunarsuaq, silap pissusaa demokratilum pillugit ilisimasaqalertarput. Illoqarfiminni qanoq oqartussaaqataasinnaanertik paasisaqarfigisarpaat. Inersimasunngorunik Ghanami nunarsuarmilu ataatsimut ajornartorsiutit aqqinniarnissaannut peqataasinnaalissapput.


Nunarsuarpummi ataasiuvoq. Naligiinnginneq aatsaat ataatsimoorluta allanngortissinnaavarput. Meeqqat tamarmik pitsaasumik ilinniassapput. Tamanna meeqqanut, ilaqutaannut tamatsinnullu pingaaruteqarpoq. Nunarsuarmi ajornartorsiutit annertuut aatsaat ataatsimoorullugit qaangerneqarsinnaapput. Tamatta peqataasariaqarpugut. Tamannaavorlu AtuaRaketip imarisaa.



Lars Koch Generalsekretær i Oxfam Danmark



GHANAP AVANNAA TUNGAANUKAQATIGISIGUT



Nuummiit Ghanap illoqarfiisa pingaarnersaannut Accramut 8.900 kilometeriuvoq.

BURKINA FASO

ELFENBENS-
KYSTEN

TOGO

GHANA



SHEILLA
SABOBAMI
NAJUGAQARPOQ

LANGA
MOGLAA
NAWUNI
TAMALE

KITULANBONI
SABOBA
INAGNAMBONI



RAHI
MOGLAAMI
NAJUGAQARPOQ



EZEKIEL
NAWUNIMI
NAJUGAQARPOQ



RAFIK
LANGAMI
NAJUGAQARPOQ



BILENGBAN
KITULANBONIMI
NAJUGAQARPOQ



HAPPY
INAGNAMBONIMI
NAJUGAQARPOQ

ACCRA

GUINEABUGTEN

Ghana Afrikap kitaaniippoq. 32 millionit miss. inoqarpoq. Nunat Togo, Elfenbenskysten aamma Burkina Faso sanilerai. Illoqarfiit pingaarnersaat Accra sinerissami Guineabugtenip eqqaaniippoq. Avannaani illoqarfiit annersaat Tamalemik ateqarpoq.



Ghanap kujataa sinerissamiippoq, kujataata kita kiattup orpippassuaqarfiuvoq. Avannaani narsarsuit kuussuaqartiterput. Kuussuit Den Hvide aamma Den sorte Volta ataatsimuulerlutik kangiani tasersuarmut kuuffeqarput. Imeq kuussuarneersoq tasersuarlu inuppasuit inuuniarnerannut pingaaruteqaqaaq.



Ghanami naggueqatigiit assigiingitsut 70-it sinneqarput. Amerlasuut namminneq oqaaseqarput. Tuluit oqaasii ataatsimut atorpaat. Avannaani dagombat amerlanerupput. Taakku dagbani oqaaseraat. Naggueqatigiit allat tassaapput mamprusit, gonjat konkomballu. Avannaani amerlanerit muslimiupput aammali kristumioqarpoq.



Ghanami atuartuuneq akeqanngilaq. Taamaakkaluartoq meeqqat ilai ilinniagaqarneq ajorput, Ilaqutariit namminneq atuarfimmi uniformit atuakkallu pisiarisussaavaat. Ilinniartitsisunik amigaaqartarput - ingammik ilinniartitsisunik atuartutut oqaasilinnik. Atuartullu ilai atuarfimmut ungasissumi najugaqarput.





SHEILLA ATUARTULLU UNIFORMIA

EMIL NIELSEN HANS BACH

Ullaaralaannguuvoq. Anigalu Shepherd illoqarfiup aqqusinersua sinerlugu pisulluta atuariarpugut. Motorcykelit saneqqukkaangata sioqqat teqqalasarput benzinasunnilu naamasarparput.



Apuukkatta arpaannaq ilakka aallartereer-
simasut ornippakka. Anitsiartarfik
sanertarparput aamma initsinni issiaviit
allattarfissuarlu piareertarpagut.



Naammassiniariartugut sianeq
sianerpoq. Maanna anitsiar-
tarfimi tunuleriaassaagut.
Qorsunnik atuartut unifor-
meqarpugut. Qorsuk atuar-
fiup qalipaaticaa. Ghanamut
eqqissinermullu tungasu-
mik erinarsorpugut. Tamatta
nipituumik erinarsorpugut
ersaattaallutalu.

Sheillamik ateqarpunga, 8-nik
ukioqarlunga 3. klassimilu
atuarlunga.

Atuarneq nuannareqaara. Tuluttoorneq nuannarinersaavara. Atuakkagut tuluttuujupput atuarnerlu tuluttut ingerlasarluni. Uagutsinni naggueqatigiit konkombat oqaasii likpakpaanl atorpagut. Atuarfimmi ukiut siulliit ilinniartisisutta likpakpaanlitut oqaluuttarpaatigut.


3. klassimiit tuluttuinnaq oqaluffigisarpaatigut. Nalunalaarsinnaasaraluartoq taamatut ingerlaneq nuannaraara.



2. klassiulluta natermi issiasarpugut. Maanna nerrivik pingasuupparput. Atuarfik innaallagiaqanngilaq atuaqatigiillu allat nipaataq ersarittaqaat.

Soraaraangatta Shepherd angerlamut ingiaqatigisarpara. Atuarfimmut qanittumi Sabobami najugaqarpugut. Naatsiivitta qeqqaniipoq orpik mangonik paarnaqartartuq. Ullup kiannerpaaffiani orpiup ataani alanngisimaarlunga atuartarpunga. Nakorsanngorusuppunga tamannalu pillugu anaanaga oqaloqatigisarpara. Atuarfik pingaartittorujussuuaa ilinniagassalerigaangamalu ikiortarlunga.

Sanilerput ikinngutiginerpaasara Felicity pinnguaqatigisarpara. Naangisarneq ampernerlu nuannaraarput. Ampernermi assat pattaatigalugit pinnguaqatigisap pissikkuni isikkani sorleq saarlinggussaneraa eqqoriarneqartussaavoq.



Anaanaġa ataataġalu, Mercy Sephaniaġlu aamma anikka Shepherd 9-nik Kingsfordilu 13-inik ukiullit illoqatigaakka.


Nerisassiornermi iġuuttuaannarpunga. Anaanaġa neriaroqqusikulavoq. Atuarfik oqallisigisarpaat. Anaanama inersimasullu allat atuarfippuġ pitsanngorsarusuppaat. Tusarnaarlugiġ nuannarisarpakka.

Ullumi banku suppilu qaqqortarialik nerissavaguġ. Banku boor'luaraappuġ qalaatat. Majsiniġ qajuusanillu sanaat. Nipoqqutappuġ suppimuġ akoralugiġ iluarlutik mamarlutillu.



Kiisami nerereerluta
errugassat naammassivakka.

Ullumi niuffattoqartussaa-
voq. Angumerisinnaagakkit
arpaannaq taakunnarpunga.
Pisiniarfeqqat ilai matu-
lerput. Mamarinerpaasannik
kunngip inaluaanik
nassaassanerlunga?
Ujaasipallakkama nassaar-
punga.



Sheillap atuarfiani
ullaakkut erinarsortut
takusigit.

**FILMIT ASSILLU UANIIPPUT
HELEVERDENISKOLE.DK/SHEILLA**





EQALU AAMMA UKA

THEODOR STOFFER  ULRIKKE BASTIAN STAKEMANN

Eqalu Ukalu ikinngutigiiptut. Atuariaangamik ingiaqatigiittarput. Ukap Eqalu tatsip sinaanut aqqusaartarpaa. Nutaanik ilikkagaqarusuttuaannartuugamik atuarneq nuannareqaat.

Eqalu ilaquattanilu tatsimi najugaqarput. Taseq eqqiluippoq. "Uka takkuppoq," Eqalu oqarpoq. "Ulloq atorluarisiuk," anaana oqarpoq. "Ferskenit puiorniaqinagit, suummi tamarmik akeqarput," ataata oqarpoq.

Eqalu tatsip sinaanut pimmat ingerlapput. Atuariaangamik kuuk ikaaqaartarpaat. Kuummi najugaqarpoq Coco Riarsuaq. Coco ikaartaammik ikaassisartuuvoq. Ikaarneq ferskeninik tallimanik akeqarpoq. Coco oqarpoq: "Suut tamarmik akeqarput."



Atuarfimmi matematikkerput. Ilinniartitsisuata aperai
 $10 + 12$ qassiunersoq. Eqalup naluaa. Uka oqarpoq
22-usoq. Ilinniartitsisup eqqortuunerarpaa.

Eqalup kisitsineq pikkoriffiginngilaa. Kisitsiserpassuit
paatsiveerunnarai isikkuilu puiortarlugit.
Ilinniartitsisup aperai arlaata Eqalu ikiorsinnaaneraa.

Uka oqarpoq: "Eqalu qaagit, nassuiaatissavakkit."
Kisitsisit puiunnginniassagamikkit tamaasa
pappiaqqamut allattorpaat. Eqalumut ersarisseqaat.
"Qujanarujussuaq," Eqalu oqarpoq.
"Illillu," Uka akivoq.



Soraaramik Eqalu Ukalu Cocomut ferskeninik tallimanik akiliipput. Maanna kuuk ikaaqqissinnaanngorpaat. Tatsimut pigamik mingutsinneqarsimaqisoq takuaat.

Anaanap parsiarpai. Oqarpoq ajutoortoqarsimasoq. "Taseq mingutsinneqarsimavoq." Tamaani najugaqarsinnaajunnaarput. Eqalu qissaserpoq.

"Immaqa arlaat ikiuussinnaavoq," Ukap eqqani qiniitigalugu oqarpoq.



Taamaalisorlu oqimaatsumik sajuallatsitsisumik takkuttoqarpallappoq. Sunaaffa Naggu Vaatsusen. Angeqaaq. Eqalu ersilerpoq. "Ersissanngilatit, isumassarsigamaana," Naggu Vaatsusen oqarpoq.

Naggup sorlussuarminik tatsimi imeq minguttoq milluarpaa, Cocollu ikaartaataanukariarluni tassunga supillugu. Erngup minguttup nungunnissaata tungaanut uteqattaarpoq. Taava Cocop imeq minguiaasarfimmuut ingerlappaa. Eqalukkut tatsimi najugaqaannarsinnaanngorput.



"Qanoq akiliissaagut? Sunami tamarmi akeqarpoq,"
ataata aperaaq."

"Qujagussi naammappoq," Coco oqarpoq.

"Akeqanngitsumik ikiuttoqarsinnaavoq."

"Qujanarujussuaq Naggu Cocolu," Eqalu oqarpoq.

"Eqalu illillu," akipput.

Eqalu Ukalu nuannaqaat. Aqagu atuariat-
sinnaangooqipput. Ullut tamaasa
nutaanik ilikkagaqartarput.





EZEKIEL KUUP SINAAMIU

EMIL NIELSEN HANS BACH

Illoqarfitta eqqaani kuup tungaanut aqqusineqarpoq. Ingerlaqqinniaanni angallammut ilaasariaqarpoq. Angallammi ikiuunneq nuannareqaara. Inuit nerisassat, uumasut motorcykelillu nassatarisarpaat. Biilit ikisinnaanginnamik allakkoortarput.



Ezekielimik ateqarpunga 8-nillu ukioqarlunga. Nawunimi kuussuup Hvide Voltap sinaani najugaqarpunga. Kuuk aalisarfigalugu imeqarfigalugulu inuussutigaarput. Maanimit tamangajammik aalisarnermik inuussutissarsiteqarput.



Anaana aalisakkat salittarpai, panerteriarlugillu tuniniartarlugit. Karsit assartornerini ikiuuttarpugut. Aningaasarsiagut atuarnermut nerisassanullu atortarpagut. Ilaanni aningaasanik amigaateqaleraangatta atuarnanga aalisaqataasarpunga. Atuarneq akeqanngikkaluartoq atuakkat, allattaaviit atuartullu uniformii nammineq akilertarpagut.

Angallatit kuummi iseriattumiipput. Ataataga angajugalu aalisaqatigaakka. Kiappoq. Qassutit angisuut oqimaapput. Angajuma Innocentip qassutit kuummut nalullugit siaarpai. Uanga suli taamaalisinnaanngilakka. Piareersarneranili ikiuuttarpunga. Ataataga oqarpoq maani aalisartuuneq ajornarnerulersimasoq. Meeraagallarmat aalisagaqarnerusimagaluarpoq.

Ulluinnarni Nawunimi atuartarpunga. 2. klassi-uvunga, matematikki nuannarinersaavara. Ilaanni ullaakkorsiu-tigalunga allattaavinni kisitassanik sungiusartarpunga.



Sapaatit tamaasa oqaluffimmiit erinarsorpaluk nipilersorpalullu tusarsaasarput. Sapaammi upperisamik ajoqersuinermi atuartarpunga. Qitillutalu ersaartaattarpugut. Erinarsortarpugut. Erinarsuutit timimut, pinngortitamut biibilimullu tunngasuusarput. Palasi atuartitsisuusarpoq. Kingorna angajoqqaakka naalagiartarput.





Ikinngutiginerpaasara Ebenezer atuaqatigaara. Aamma taassuma matematik nuannarinersaavaa. Sanalunneq nuannareqigatsigu qillertuusat savimmik isateriarlugit lastbiileraliarisarpagut. Angisuunngoruma mekanikerinngorniarpunga.



Silali allanngornikuvoq. Ilaanni imeerutinga-jattarpoq, ilaannilu imeqarpallaalertarluni. Siallersarnerata nalaani qarsutsisinnaasarpoq. Ataasiarlunimi illutta iluanut pinikuunera suli iikkatsinni ersippoq. Taamani ulluni arlalinni allamiippugut.



Ilaqutariiulluta angakkut, atsakkut illooqqagullu illoqatigiippugut. Illugut paarlernik uumasuusivinnillu akunneqarput. Kuummut imertartarpugut. Kuup paarilluarnissaa pingaaruteqarpoq. Imeqartuaannassaaq mingutsinneqaranilu.



Angaga DJ Smartimik atilik nipilersuutaalik appikkaangat illoqar-feeqqami tamarmi tusaa-neqarsinnaasarpog. Appikkaangat kikkut tamarmik aggiasarput. Uanga qitittarpunga. Qitikkaangama nuannaalertarpunga. Ilaquttakka aamma qiteqataasarput, mikinerpaanut allaat. Unnunnissaata tungaanut nuannattarpugut.



Nawunimi pisuttuaqataaneq.

FILMIT ASSILLU UANI TAKUSINNAVASI HELEVERDENISKOLE.DK/EZEKIEL



MEEQQAT ATUARAKETIMIITTUT GHANALU PILLUGIT PAASISAQARNERUGIT

FILMIT ASSILLU
TAKUSIGIT

Nittartakkami TIL ELEVEN-imi Ghana pillugu sammisat 9-t nassaa-risinnaavasi. Meeqqat AtuaRaketimiittut paasisaqarfiginerusinnaavasi. Atuarnerat Ghanami pitsaasumik ilinniagaqarnissamut pisinnaa-titaaffiit, paasisaqarfiginerusinnaavasi. Ghanap oqaluttuassartaani inussiaateqarneq, nunasiaataaneq Afrikallu Kitaani demokrati aallarteqqaartoq ilikkagaqarfigisinnaavasi. Naggueqatigiit assigiinngitsut ileqqulu paasisarfiginerusinnaavasi. Suliassat, pinnguaatit nerisassiornerlu paasisassarsiorfigisigit nipilersuutillu Ghanameersut tusarnaarlugit. Ghanami uumasut, pinngortitaq silallu pissusaa aamma paasisaqarfigisinnaavasi.



ATUARAKETIMI MEEQQAT



ATUARFIK



OQALUTTUARI-
SAANEQ PAASISSUTTISALLU



ULLUINNAAT



PINNGORTITAQ
SILALLU PISSUSIA



INUIT
UPPERISARLU



UUMASUT NUNALU



GHANA MALUSISUTSIT
TAMAASA ATORLUGIT



INUIT UPPERISARLU

HELEVERDENISKOLE.DK/TIL-ELEVEN



NUNAT ANGUNIAGAAT NERIUUTINIK ULIKKAARPAT

Nunarsuarmi anguniakkat 17-it nunat 193-it isumaqatigiissutigisimavaat. Nunat anguniagaat tamatta ataatsimoorluta anguniagaraagut. Taakku takutippaat nunarsuarmi naligiinnginnerujussuaq ataatsimoorluta iliuseqarfigisinnagippat. Ukiut 20-t ingerlaneranni nunarsuarmi piitsuussuseq affaannanngortipparput. Sulili suliassaqaarpugut. AtuaRaketimi Nunat anguniagaasa unaminartortai oqaluttuarineqarpud.

Atuakkami uani Nunat anguniagaanni piitsuussuseq, atuartitaaneq, suaasutsit naligiissitaanerit, minguitsumik imeqarneq sukuluisaarnerlu, naligiinngineq silallu pissusaa ukkataragut.



HELEVERDENISKOLE.DK/
VERDENSMAL-I-GHANA





OXFAM DANMARKIP ILINNIARTITAANERMUT SULIAI

Oxfam Danmarkip inuit tamarmik pitsaassusilimmik ilinniagaqarnissamik piginnaatitaaffeqarnerat sulissutigaa. Piitsuussutsip nungutinissaa nunarsuarmilu naligiinnginnerup minnerulernissaa sulissutigaarput. Taakku pingasut imminnut atapput. Pitsaasumik ilinniagaqarnerup inuit imminnut, ilaquuttaminnut nunaminnullu pitsaanagerusumik siunissaqartitsinissaannut periarfissittarpai. Niviarsiaqqat ilinniagaqarnerat immikkut isiginiarparput, taakkumi atuannnginnerasaasarmata.

Oxfam Danmark kattuffissuup Oxfamip nunarsuarmi ineriartortitsinissamik suliniutillip DK-imi ilagaa. Nunat 90-init amerlanerusut suliffigaagut.

ATUARFIK PITSAASOO TASSAAVOQ:



ATUARTITSINEQ PITSAASSUSILIK

Atuarfimmip pitsaasumi meeqqat atuarneq, allanneq, kisitsinerlu ilikkartarpaat. Suleqatigiinneq, nutaaliorsinnaaneq ajornar-toorutinillu qaangiinarneq ilikkartarpaat. Aamma pinnaatitaaf-fiit demokratiluk pillugit ilinniarnissaat pingaaruteqarpoq. Taava nunaminni qanoq iliuuseqaqataasinnaanertik ineriartortitse-qataasinnaanertillu nalussanngilaat.



ILINNIARTITSISOO PITSAASOO

Ilinniartitsisussanik ilinniartitsineq suliararput. Ilinniartitsisoq pitsaasoq fagiminut pikkorissuusaaq. Aamma atuaqatigiit toqqissisimatissavai, taamaalilluni atuartut tamarmik ineriartor-niassammata atuartitsinermilu peqataalluarlutik.



ATUARFIK INUIAQATIGIINNUT ILAAVOQ

Atuarfik pitsaasuussappat nunaqqatit angajoqqaallu tapersersuisariaqarput. Taamaammatt angajoqqaat sinniisaat siunnersuisoqatigiivilu tapersersorpagut. Nunarsuarmiullu tamaasa akeqanngitsunik pitsaasunillu atuarfeqarnissaannut isumaginnitsinniarsaralugit.

NUNARSUAQ TAMAKKERLUGU ATUARTITSINEQ DANMARKIMI



Oxfam Danmark isumaqarpoq atuartut nunani allani meeqqat inuunerannik ilinniarnissaat pingaaruteqartoq. 2004-mili suliniut "Nunarsuaq Tamakkerlugu Atuarneq/Hele Verden i Skole" tunuliaqutaralugu – LæseRaketten, meeqqat nunami ukkatarineqartumi inuunerannik oqaluttuartoq – saqqummersittarpaput. Nunarsuaq Tamakkerlugu Atuarnermut – Verdenstimen – FN-ip nunanut anguniagai atuartitsissutigalugit ingerlattarpaput.

AKTIONSUGEN 2023

RAPPERLUTA MEEQQAT TAMAASA ATUALERTISSAVAGUT



Ukiorpasuit ingerlaneranni nunarsuarmi meeqqat amerliartortut atuarfimmi pitsaasumi atualertarput. Maannali killormut ingerlasoqalerpoq. Meerarpasuit coruna peqquataalluni matusisoqarnerata nalaani atuarsimangillat, amerlasuullu atualeqqis-simanatik. Nunarsuarmi meeqqat 1.- 6.klassiusussat 67 millionit atuartuungillat. Tamanna allanngortissavarput.

Ukiog manna Nunat anguniagaat 4 – pitsaassusilimmik atuarfeqarnissamut tunngasoq statsministerimut eqqaasitsissutigis-savarput. Politikerit meeqqat oqariartuutaat tusassavaat:

“ATUARFIUP UUMMATAI” RAPPERNERLU – IMAALIUSSAASI

1. Atuarfiup pitsaasuunissaanut pingaarutillit naggateqatigiiaarlugit allattorsigit. Allatasi mailikkut uatsinnut nassiussigit (info@heleverdeniskole.dk). Torrallataanerit Frescop – DK-imi rappillammaat ilaat – rappigassaliarissavai.
2. “Atuarfiup uummataanut” taalliansi allariarlugu (ilisserut nittartakkamiippoq) uatsinnut nassiuatissavarsi nassarluguluunniit Aktionsdagimut peqataajartorsi.
3. Aktionsdagimut peqataasinnaavusi sap. ak. 17-imi Christiansborg Slotspladsimi, tassanilu “Tamanut atuarfik pitsaasoq”-mut musikkvideoliornitsinnut immiusseqataallusi.

**PAASISAQARNERUSINNAAVUSI UANI
HELEVERDENISKOLE.DK/AKTIONSUGEN-2023**

TAMANUT
ATUARFIK
PITSAASOQ
.....
.....

ATUARFIK
PITSAASOQ
TASSAAVOQ
.....
.....

TAMANUT
ATUARFIK
PITSAASOQ
.....
.....

KATERSUINIAR-
NERMUT
PEQATAAGISI

UKIUMUT 550 KR
ATORLUGU
NIVIARSIAQAQ
PIGEKLUBBIMIIS-
SINNAAVOQ

GHANAMI NIVIARSIAQQAT IKIORTIGIT

Ghanami niviarsiararpassuit angerlarsimaffimmi ikiuunni-assammata atuarunnaarsinneqartarput. Taakku ikior-sinnaavasi. Oxfam Danmarkip suleqataasalu Ghanami niviarsiaqqat arlalitsigit tapersersorpaat. Taakku ilagaat pigeklubbet, ilaqutariit suleqatiginerisigit niviarsiaqqat atuaannarissaannik ilinniagaqarnissaannillu suleqatiginnittut.

KATERSASI UKUNUNGA ATORNEQASSAPPUT:

- PIGEKLUBBET – taakkunani niviarsiaqqat toqqissillutik pisinnaatitaaffitik qanorlu imminnut paarinissartik pillugit ilinniartarput
- EQQILUISAARNISSAMUT ATORTUT – niviarsiaqqat timi peqqissuunerlu pillugit ilisimasaqalertarput. Pisarpaat iluatigut atisat, nalequttat atoqqissinnaasut, qaqaarsaatit, kigutigissaatillu
- ATUAKKAT, ALLATTAIVIIT AQERLUUSALLU
- ARNANIK AMERLANERUSUNIK ILINNIARTITSISUTUT ILINNIARTITSINEQ

**PAASISSUTISSAT UANIIPPUP
HELEVERDENISKOLE.DK/
AARETS-INDSAMLING-2023**

DANMARKIMIT ALLAKKAT

2022-mi
LæseRakettenip
Boliviami Liseth
Luis Alfredolu
pulaarpai.



LISETH anaanani ikinngutinilu Yuri ilagitillugit allagarpasuit tiguai. Allakkat Yurip kusageqai. Lisethip titartakkat kusageqai. "Meeqqat kikkulluunniit allaffigerusukkuninnga allariaannaapput. Allagarsiakka akissavakka," qungujulaqaluni oqarpoq. Tamaasali akisinnaassanera qularnarpoq, hunnorujummi sinnerlugit allagarsisimavoq.


"Allagarsiarpassuakka takugakkit killitseqaanga." **LUIS ALFREDO** aamma allagarsivoq. Atuartilluni allakkat tiguai. Atuaqatai allagarsiaannik atuaqataapput. "Tamaasa ingerlaannaq atuarusulerpakka. Atuartut Danmarkimiittut angajoqqaavilu tamaasa qujaffigerusuppakka," qungujulluni oqarpoq.



**ALLAGARSISUT PILLUGIT UANI TAKUSAQARNERUSINNAAVUSI
HELEVERDENISKOLE.DK/BIBLIOTEK/POST-
TIL-LAESERAKETTENS-BOERN**



ALLAKKAT KINGUSINNER-
PAAMIK 1. JUUNI 2023
TIGOREERSIMASSAVAGUT



GHANAMUT ALLAKKISI

Sheilla Bilengbanilu ukioq manna AtuaRakettimiittut allaffigisinnaavasi. Allaffissalionsinnaavusi kusanartunik titartaaffigalugit allaffigalugillu. Imminut oqaluttuarissaasi meeqqallu Ghanamiittut pillugit atuarluni qanoq innersoq allallugu. Sheillap Bilengbanillu atuarsinnaaniassammassuk tuluttut allakkussi iluassaaq. Allakkasi Hele Verden i Skolemut nassiukkussigit inuttaannut ingerlateqqissavagut.

Allakkat nassiutissavasi uunga:

Oxfam Danmark
Vesterbrogade 2B, 2. sal
1620 København V
Att: Hele Verden i Skole

**ALLAKKAT QANOQ
AMERLATIGINERSUT
KIMUKARTUUNERSULLU
ERSARISSUMIK
NALUNAASSAVASI.**

**HELEVERDENISKOLE.DK/
SEND-POST-TIL-GHANA**





BILENGBAN – NUKAPPIARAQ PASSIMMIULIK

☰ CASPAR HAARLØV 📷 HANS BACH

Bilengbanip passimmiuni qviarpaa. Meeqqat allat inortuilerput. Anitsiartarfik sanerneqassaaq. Init toresassapput piareerlugit. Sooruna inortuijuaannartut?

Siullit takkupput. Bilengbanip passimmiuni tikkuarpaa, meeqqalli ileqimisaartuinnarput. Nunaqqatigiit meerartaanni Bilengban kisimi passimmioqarpoq. Taava allat qanoq ilillutik qassinngornersoq nalussanngilaat?

Atuarfik qulisaq

Bilengban atuarfimmi pisortaasuuguni kikkut tamarmik piffissaq eqqorlugu takkuttarnissaat isumagissagaluarpaa. Ilinniartitsisut takkunnissaannut toresareersimasoq. Aamma atuarfiup iigai suliaritissagaluarpai. Atuartut sanigutissaannik tunivai, pisarnertullu suna tamangajaat nammineq suliaraa.





Bilengbanip atuarfia perusuersartarfeqaranilu imeqanngilaq. Anitsiarfimmi angerlartutik neriarortarput. Ungasissumiittut soraarlutik angerlaraangamik nerisariaqartarput.

Bilengbanimik nalunnginnittut nalunngilaat pilersaaruteqartoq. Ilinniagassani suliarisuaannarpai. Oqarfigineqanngikkaluarluni angerlasimaffimmini ikiuuttarpoq. Ataatan narsaatini ikiortarpaa. Anaanani illuminni ikiortarpaa. Imertartarpoq. Nakorsanngorniarpog. Nunaqqataani ilinniagartooqanngilaq. Tamarmilli qularinngilaat Bilengban nakorsanngussasoq.

Atuarfik illoqarfeeqqap avatinnguaniippoq. Ukiut 15-it matuma siorna sananeqarsimasog. Takkajaajuvoq. Qilaaq saviminernik amitsunik sukaqarpoq. ligai marraapput. Sialuup iikkat pukkilissimavai. Sitammut ersiinnarpoq atuartullu allat tusaaneqarsinnaallutik.

Bilengban 11-nik ukioqarpoq 6. klassiulluni. Ikinngutiginerpaasaraa atuaqatini Muki. Matematik nuannarinerpaasaraa, fagilli sinneri aamma nuannarai.

Qimmeq ukalinnguarlu

Bilengban Kitulanbonimi najugaqarpoq. Illoqarfeeraq orpissuarmut baobamut – illoqarfiup qeqqaniittumut atsiussaavoq. Bilengbanip ataataa marlunnik nuliaqarpoq. Anaanaa arfinilinnik nuliatalu aappaa sisamanik meeraqarput. Bilengbanip tamaasa qatanngutimisut isigai. Illoqatigiipput ikioqatigiillutillu.

Soraareerluni illoqarfikkooraangami arnat erinarsorpaluttut tusaasarpai. Katersuuteriarlutik suliassat annertunerit ikioqatigiillutik isumagisarpaat. Erinarsuutigalutik sulisarput. Anaanaa aamma ilaasarpoq.

Bilengban qimmeqarpoq atilik Ujor, isumaqartoq pillingajak. Narsaa-timinnut ingerlaneranni Ujor orpiit akornisigut pangaleqattaarpoq. Ukalinnguamik kimmiarluni aggerpoq. Bilengbanip uumasuarannguaq qituttunik meqqulik tiguua, tagiartuutigalugulu anersaartornersog misissorpaa. Toqusimavoq. Qimmeq nersualaarpaa.

Bilengbanip angajoqqaani Bilandem Bibonilu illoqatigai. Aleqaa ateqarpoq Ntangan, nukaalu pingasut ateqarlutik Albertam, Mugnallbor aamma Hjonaan.



Ataatani qattunermi yamsinut naatitsivimmi naasupiluiaasoq takusinnaalerpaa. Bilengbanip ikiorpaa. Savaasat takkukkaangata ungoortarpei. Naatitat tamaasa nerinnginniassammatigit nilliaatigaluni talini aalatillugit qimaatittarpei.

Kuup sinaani tumit

Bilengban angerlamut apuummat arnaa nerisassiulereersimavoq. Ukalinnguaq takutimmagu nuannaajallappoq oqarlunilu unnukkorsiutissatut igassallugu, kisiannili imeerussimallutik.



Qattunerni tamani yamsit naasarput. Qaavanni kassava naasarput.



Bilengbanip imertaat imaqqangitsoq kuummut nassarpaa, angerlamut arnaata ulikkaartoq nassarpaa.

Bilengbanip anaanani kuummukaqatigaa. Illoqarfeeqakkut orpissuaq baoba saneqqullugu aqqusineeqakkut ivigarsuit akornisigoorput. 1 km missaa ingerlapput. Bilengbanip anaanami imertaataa niaqquminut ilillugu ingerlappaa. Oqimaammat kingullinngorpoq.

Kuup eqqaani marrarmi panersimasumi tumit takuai. Narsaammi arlalinnik nersussuaqarpoq, nersussuilli kukissuaqanngillat. Uumasup oqimaatsup, takisuunik kukillip tumigigai ingerlaannaq takusinnaavai. Allaasinnaangilaq kuukoorsuaq.

Bilengbanip anaanani kuup sinaanut pereersimasoq arpaannaq ornippaa. Imeq kajorpoq ersittoqarani, kuukoorsuarmut toqqorfissaqqilluni. Anaanani mianersussasoq suaarpaa. Anaanaatali illaatigiinnarpaa.



Ilaqtariit illuat innaallagiaqanngilaq. Ghanami unnukkut arfineqmarlunut taarsisarpoq. Bilengban atuarniaraangami qaammartartoq atortarpaa.

Kuukoorisuit illernartut

Angerlarami tumit takusani ilaminut oqaluttuarai. Ataataa oqarpoq qaqutigorsuaq kuukoorisuit inuttortartut. Aamma oqaluttuarpoq arnaq kuup sinaani kiitinnikuusimasoq. Niuni annaasimavaa kingornalu ikini toqqutigalugu. Ikiorsinnaasimangilaat. Naggueqatigiinnut konkombanut kuukoorisuit uumasuupput illernartut. Bilengbanip ilaqtai nunaqqataalu amerlanerit konkombaapput, taamaamat kuukoorisuarunik toqutsineq ajorput.

Bilengbanip takorloopaa nakorsanngoruni nunaqqatini ikiortassallugit. Mattusersortassavai nakorsaatisaanillu tunisarlugit, taava kiitinnerit toqqutigineqaqqissanngillat.

Taarsisimaqaaq. Bilengban nukkanilu allequttat siniffigisartakkatik piareerpaat. Bilengbanip nalunaaqutaqqani peerpaa qaammartartorlu ikillugu. Ilinniagassalerisariaqarpoq. Nukaata sininniarluni qaammartartoq qameqqugaluarpaa, Bilengbanili atuaqqaarniarpoq. Nakorsanngorniarpormi nunaqqatimi pisariaqarteqimmassuk. Atuarfimmi ingerlalluartaqarpoq. Nukaa tunuppoq, Bilengbanilu atuarluni aallartippoq.



Bilengban atuarniar-
toqatigisiuk.



**FILMIT ASSILLU TAKUSIGIT UANI
HELEVERDENISKOLE.DK/BILENGBAN**





HAPPY NAMMINEERUSUPPOQ

☰ CASPAR HAARLØV 📷 HANS BACH

Siillersarnera aallarteqqammivoq. Ualivoq, Happyp nuna isigaa. Suna tamarmi qorsuuvoq. Orpiit narsaatini tarranissimapput. Angutit nunalerisut takussaapput. Qaammataluit qaangiuppata suna tamarmi tasinngorsimassaaq. Taamaalippat illoqarfeeqqamiit angallat kisimi angallataasinnaangussaaq.

Happy anaananilu orpinni qaqqortarissanik sheanik katersipput. Iluaniittoq punniliassartik pinnagu sinnera nerisarpaat. Punneq tuniniartarpaat. Kiagukkamik unillatsiarput.

Nersussuit qaqqortut nassukkaat aqqusinikkut ikaartinneqarput. Happyp nersutinik paarsisut aalateriffigigai taakkulu akillugu aalateripput. Happyp takusinnaavai meeraasut. Arnaata oqaluttuuppa nersussuit naggueqatigiit fulanit meerartaanit paarineqartut. Fulanit amerlasuut angalaannartuupput. Nunani nunap avannaaneersuupput aalajangersimasumillu najugaqaratik.



Happykkut naggueqatigiinnut konkombanut ilaapput. Illoqarfeeqqami Inagnambonimi najugaqarput nunaatiliullutillu. Ukiuni kingullerni qulini illoqarfeeraq nammineq atuarfeqarsimavoq. Happyp ataataa atuarfilioqataasimavoq.

Siusinnerusukkut meeqqat kilometerit qulit pisullutik atuariartarsimmata atuartoqarpiarsimangilaq. Ullumikkut meeqqat amerlanerit atuartarput. Atualingajaleraangata ilinniartitsisut angajoqqaat meeqqaminnik atuarfimmu allatsitseqqullugit kajumissaareqattaartarput. Happyp angutaata ilinniagaqarnerup pingaassusaa oqallisigisuaannarpaa.

Happyp atuarneq nuannareqaa. Qulinik ukioqarpoq 5. klassiullunilu. Ullaat tamaasa atuarfiup silataani illoqqasunngorlutik erinarsortarput.

Ullaq manna erinarsuutip imaraa qanoq ikinngutaalluar-toqarsinnaanersoq.



Happyp arnaa qaqqortarissanik shea-nik katersivoq. Orpiit sheaqartartut 400-nik ukioqalersinnaapput.

Atuartut soraarput. Frk. Arimiyaw angerlamut aallarpoq.



Ilinniartitsisoq motorcykelertoq

Happyp anaanaatalu motorerpaluk tusaasinnaavaat. Aqqummini aqqusineq pujoralatseqalugu qanilliarporpoq. Tassaana ilinniartitsisuat Frk. Arimiyaw. Aappaluttumik angisuumik nasartaateqarpoq. Ilassilluni aalaterivoq. Atuarfimmi ilinniartitsisut arnartatuaat. Motori unitsippaa.

Happyp qaqqortarissanik tunivaa. Frk. Arimiyawip qaqqorpai, kingunissaalu oriarlugit. Punniliaralugit naamassippata pisiumaarluni oqarpoq. Happyp arnaata oqarfigaa aallassanani neriorsuippat poortamik tuniumaarlugu. Frk. Arimiyaw illarpoq qujallunilu. Illoqarfeeqqamut ungasissumi illoqarfiit pingaarnersaanni Accrami peroriartornikuugami likpakpaanit oqalussinnaanngimmat tuluttut oqaluupput. Motori aallartippaa ingerlaqqillunilu.



Happy ikinngutinilu ampe pinnguaatigaat. Aamma naangisarneq nuannareqaat.

Ilinniartitsisut amerlanerit illoqarfiup avatinnguani marrarmik illuliani najugaqarput. Frk. Arimyaw illoqarfimmi sanilianni najugaqarpoq. Illoqarfia angigaarmat illoqarfiup qeqqani aqqusineq qulleqarpoq. Happy mikigallarami nakorsiarluni tassaniinnikuuvoq.

Happy ataataa høvdingiuvoq

Happy anaanaata koori qaqqortarissanik sheanik imalik niaqquminut ilivaa. Narsaatit aqqusaarlugit angerlarput. Illoqarfeeqqami nipit, tuit, kukkukuut savaasallu illut akornini angalaartut, meeqqat illartut inersimasullu oqaluttut tusaasinnaalerpaat.

Happy atuaqatimi ilai naappipai. Pisseriarluni isikkamik sortermik nunamut tunnissaq eqqoriaqattaarlugu pinnguaat ateqartoq ampe pinnguaatigaat.

Happy arnaata angerlassagamik aggeqquaa. Illoqarfimmi avalliullutik najugaqarput oqaluffimmut atuarfimmullu qanittumi. Happy angutaa høvdingiummat illuat illorsuarmik taaneqartarpoq. Ilaqtariit allat arlaannik akaareqatigiinngissuteqaraangamik imaluunniit siunnersortariaqaraangamik aggartarput. Aamma kina illuliorsinnaanersoq kinalu sumi narsaasiorsinnaanersoq aalajangeeqataaffigisarpaa.

Illorsuaq kaajaluisanngortitsisunik marlunnik takkajaanik illutaqarpoq, pingasunik illuarartaqarluni. Happy angutaa pingasunik nuliaqarpoq. 20-t sinneqarlutik illoqatigiipput. Happy ilarpassuani nuannarigaluarlugit aamma kisimiinneq nuannarisarpaa. Qaqqortarissat qaqqortiterlugit aallartippai. Qalanneqassapput punniliarineqarlutillu.



Happy qaqqortarissanik qaqqortiterisoq.



Happyp neri-
sassiorfissartik
piareersarpaa.
Illut akunne-
ranni kaajalui-
saq sanerne-
qaqqaassaaq.



Happyp angajoqqaavi atuarneqanngillat

Arnat pingasut suliasatik aallartippaat. Igitassat katersorpaat kaajaluisarlu toersarlugu. Uumasut nerisippaat nerisassatillu piareersarlugit. Ullumi nerisassat suaasartalinnik shinkaafatussapput. Qisussanik aallerput. Happyp igaffissamik kukunnissaa, sanernissaq erruinissarlu isumagisarpai.

Happyp nalunngilaa anaanani nammineq perorsagaanermiit allaanerumik perorsagaasimasooq. Arnaa meeraagallarmat qanittuani atuarfeqanngilaq. Angajoqqaavi tamarmik atuarneqanngillat. Nunaqqatitik allat assigalugit suliasatik agguartarpaat. Angut narsaatilerisarpoq nerisassaqaarnissarlu isumagisarlugu. Arnaq punniliortarpoq illumilu isumagisassat suliarisarlugit. Happyp arnaata nalunngisaminik tamanik Happy ilinniartittarpaa.

Happy Frk. Arimiyawitit ilinniartitsisunngorusuppoq. Immaqa aamma katikkumaarpoq, ilinniartitsisunngoqqaarusupporli. Qularinngilaa iluatsikkumaartoq. Angajoqqaavimi oqartarput: "Atuarsimagaanni nammineq inuuneq qanoq atorusunnerlugu aalajangerneqarsinnaavoq."



360°



Happyp atuarfia
alakkarsiuk.

FILMIT ASSILLU TAKUSIGIT UANI
HELEVERDENISKOLE.DK/HAPPY



SILARSUAQ SIORAANNAASOQ

☰ MARIA FUHLENDORFF ☪ IDA MARIE SANDGREN

Clara sioraannaasumi najugaqarpoq. Illut tamarmik ujararujussuarnit sanaajupput illoqarfiallu qarmarsuarmik ungalusimalluni. Anorleraangat illut sioqqanit matuugaannginnissaannut qarmarsuup illersortarpei. Qarmarsuulli aamma Clara sunut tamanut avatangiisaanut mattusimavaa.

Clara ataat illoqarfimmi naalagaavoq. Illoqarfiup amigaateqannginnissaa isumagisarpaa inatsisillu eqquutinneqarnissaat nakkutigisarlugu. Angutit immikkut toqqakkat angalasarlutik illoqarfinnik allanik niueqateqarnek isumagisarpaat. Unnuk manna angutit taakku arlaat pulaartoraat. Illoqarfimmit ungasissumiittumit tikeqqammerpoq.

Naak angutit aallarnissaminnut pikisut isiginnaarlugit nuanneraluaqisoq Clara uternissaat qilanaarinerusarpaa nuannersunik oqaluttuassaqartuaannarmata.

Nerinissamut igasup nerriviit nerisassanik ulikkaarsimavai. Clara tipaat naamasinnaavai, perlilinginnamili angutip oqaluttuai kisiisa eqqarsaatigai.

Oqaluttuaraa nunaqartoq siallertartoq tukkaangamik qerisartunik. Oqaluttuaraa nunaqartoq kuua portusuunik mallersartumik. Oqaluttuaraa nunaqartoq naasunik taaneqartartunik qalipaatigissorpassuarnik naaffiqeqarsimasumik. Silarsuaroq sioraannanngitsunik allarpassuarnik ulikkaarpoq.

Ingerlakaammata ataatani iniminiittoq ornippaa. Inaa avataanit tunissuterpassuarnik ulikkaarpoq. Sakkut, qalipakkat annoraaminernillu allapalaakkat. Erlinnarnerpaarpasippu pinnersaatit pingasut allaffiup teqeqquani pinnersaataasivimiittut.



Pinnersaatit Clarap qatanngutaasalu marluk tunissutisaraat, sulili namminneq paarsinissaminnut mikivallaarput.

“Ataata, tulliani angalasoqalerpat ilaalanga?” Clarap ataatani allakkanik atuarniarsarisooq orneriarlugu aperaa.

Clarap eqqarsaatai imermik naasunik kallerullu nuiarluninik ulikkaarput. Inimili nuiarluttut isikkulituaapput angutaata qallui isaasa qulaanni qinngulunneranik ersersitsisut.

“Clara, avataanut angalassagaanni ilinniarsimasariaqarpoq.” Tajani qillalaartoq attuuaatigalugu akivoq. “Aallartitagut pingaarutilerujussuarnik suliaqartarput, asuli nuannariinnarlugu angalaneq ajorput.”

Clara nukillaajallalluni ingippoq. Illoqarfiat atuarfeqanngilaq.

Nukappiaqqat ilaqutariinnit pigissaartuneersut illoqarfimmut saniliannut atuariatartarput, ataataali isumaqarpoq nivarsiaqqat atuariatariqqanngitsut.

“Clara, taamaalereerpoq innarniarit,” oqarpoq.

Innareerluni ataatami oqaasii eqqarsaatigai.

Tassa atuartunngunngikkuni illoqarfiup avataa takunngisaannassanerppaa?

Ullaat tamaasa nukappiaqqat atuariatlutik illoqarfiup matorsuisa tungaanukarlutik saneqquttarput.

Clarap ataaseq ilisarissimalluarppaa. Mikigallaramik pinnguaqatigiittarput, atuartunngormalli ataqatigiikkunnaarsimapput.

Immaqaliaa Clarap nutsani qileriarlugit nasaruni, qarlileruni tunikalertunilu akornannut periarluni illoqarfimmiit aneqatigisinnaagai.

Kisianni atuarfimmi uniformeqartariaqarpoq. Aamma sapaatip akunneri tamaasa ilinniartitsisumut akiliisassaaq. Naak ataataa illoqarfimmi naalagaagaluartoq ilaqutariit pisoorsuunngillat. Clarap naluaa

atuassagaluaruni akissaqartissaneritsik.

Clara isumassarsivoq – arlaannik paarlaasilluni uniformitaarsinnaavoq.

Illerfinnguaq matusartooq ataataata allaffiata qaani qillalaarpoq.

Nammineq pigigaluarlugu akiliutigalugu paarlaannissaaq allaanngilaq ajortuliornerussasoq. Atuartunngorusunnerli sunit tamanit kissaataasa annersaraat.

Unnuk taanna Clarap ilami tamarmik innarnissaat utaqqivaa. Torsuusaq inoqannginnerooq alakarpaa. Taava nipaarsarluni ataatami inaanukarpoq pinnersaat aallugu. Qaammatip igalaakkut qinngorsimanerata qillaalatippaa.

Clarap kaasarfimmiuliupppaa innariartupallallunilu.



Clara ullaakkut siullersaalluni makippoq. Nalinginnaasumik nukappiaqqat ingerlariikatattut anaanaa aggertalaruorpoq itersariartorlugu. Angajoqqaami peqannginnini paasigunikku isumaalunnissaat qularinngilaa, unnunnginneranili angerlaqqittussaavoq.

Clarap nutsani natsap iluanut tarrisippai. Nukappiaqqap tunikarisartagaata assinganik atisivoq. Qarlimmi kaasarfiani pinnersaat maluginnaavaa.

Igalasserfimmud qaqivoq. Seqineq suli nuisimangilaq, illoqarfik tarrajuppoq.

Anoraalunnerata Clarap tunikaa aalatippaa. Takorluukkaminut portunaarppaa. Qunugilaartunnguamik ammut pissippoq.



Sioqqanut tukkami qarmamut attuutiivilluni utaqqilerpoq. Sivitsunngitsaq nukappiaqqat oqaluppalluttut tusaasinnaalerpai. Teqeqqumiit nuigamik Clara maluginngilaat. Qanillivimmata qarmap sinaaniit saavannut pivog.

Nukappiaqqat tupaqaat, ilaallu tupalluni nillerpoq.

"Hej," Clara oqarpoq. Oqallarunilu eqqaalerpaa nukappiaqqat qatitunerusumik nipeqartartut. "Hej," oqaqqippoq, tamatumuuna qatitunerulaarluni.

Nuppiaqqat ilagaat ikinngutitoqanngua Daniel. Danielip nakkuttupilussuuaa.

"Clara?" aperivoq.

Clara oqaluffigineqanngitsutut tunummut qiviarpoq.

"Kina Clara?" Qatituniangaarami ataatamisut nippangajalluni aperaaq.

Nukappiaqqat ilai qungujupput.

"Clara, takusinnaavarput illiusutit," Daniel oqarpoq. "Nutsavit ilai nasannit nuisimapput."

Clara anersaaruluppoq natsanilu peerlugu.

"Ajunngilarmi," qatituniarsarinani oqarpoq.

"Sooruna taama makiaartigigavit?" Daniel aperaaq.

Clarap eqqartik allanik inoqannginnersoq misissorpaa.

"Atuariaqatigissagassi." Qungujulluni oqarpoq

Danielip eqqarsarpasilluni nakkuppaa.

"Ataatavit akuerigamitit?"

Clarap sigguni kiivai. Nukappiaqqat ataataanut oqassanerpat?

Aammami nammineq sallunissani saperppaa.

"Naagga," isussuppoq.

Nukappiaqqat tupigutsarujussuarput.

"Kisianni ataatanut oqassanngilasi, atuarusuinnartungaana, ullorluunniit ataasiinnaq. Ingerlaannarmi angerlaqqissaanga."

Danielip illoq qiviariarlugu Claramut saappoq.

"Ullumikkuinnaq?" aperaaq.

"Aap!" Clara nuannaajallaqaluni oqarpoq.

Nukappiaqqat imminnut isigeriarlutik tuitik qullaamiinnarpaat.

Clarap illoqarfiup qarmarsuisa tungaanut ingiaqasiuppai. Qarmarsuarmut tikiutinnginnerminni Clarap nutsani natsami iluanut tarrisilluaqqippai. Danielip nujaanik nuisasoqannginneresoq misissorpaa.

Qarmarsuup sinaani sakkutuup paarsisup isigilaariarlugu matua ammarpaa.

Atuarfiup tungaanut aqut Clarap naatsorsuutigisaanit takinerugaluartoq nuannisaqaaq. Tamaani anori sakkortuneruvoq, tamaanimi anorimut qarmarsuaq ajoqutaanngilaq. Aamma samungarsuaq killingusaaq angullugu isigisinnaavoq.

Danieli atuarfik pillugu oqaluttuartippaa aamma sumi uniformisisinnaanersoq.

“Uniforminik pisinissannut aningaasaateqarpit?” aperivoq.

Clara nangaalaariarluni pinnersaat kaasarfimminit amuaa.

Daniel tupigutsarujussuarpoq.

“Tassaqaana taassuma tiginissaanut akuerineqarsimassavit.”

“Uangaana nammineq piga,” Clara oqarpoq.

Kaasarfimminut ileqqipallappaa.

Naak nammineq pigigaluaraa qularnanngilaq ataataata allamut paarlaalluni tunniuppagu pakatsissutigissagaa.

Tamanna eqqarsaatigalugu nuanniigaa. Atuarfimmulli pigamik eqqarsaatai allamut saapput.

Atuarfik portusujuvoq quleriit marluullutik. Aamma illoqarfiata qarmarsuatut portutigingikkaluartunik kaajallallugu qarmaqarpoq.



Clara tupigutsangaarami aatsaannarpoq. Suli apererianggitsoq Danielip ingerlaqasiuteqqippaa. Inimut iseqatigaa, tassani arnaq nerriviusap tunuani nikorfavoq. Isermata qiviarpai.

Claraq qanillivaa. "Kutaa. Atuartut uniformianik piserusuppunga." Arnaq inussiarnarluni qungujuppoq.

"Sølvinik 100-nik akiliissaatit," oqarpoq.

Claraq pinnersaat kaasarfimminiittoq tiguaa.

"Sølvinik tigummiqaqngilanga. Una akiliutigigukku naammassava?"

Nukappiararpaaluit matorsuakkut iseriartorput, Claraq unilluni atuarfik isigaa. Danielip malinnaajunnaartoq malugaa.

"Qaagit," oqarpoq. "Uniformissannik pissarsiniarniarta."

Claraq atuarfiup anitsiartarfianut ingiaqatigaa. Isertarfiup killingani tummeqqani kikkut issiasut takugamigit tupaallaqaaq.

"Niviarsiaqqat!" nilliallappoq. Danielip qiviarpaa. "Niviarsiaqqat atuartuusinnaagamik?"

"Aap," Daniel oqarpoq. "Aamma amerlanerit uanninngaanniit pikkorinnerupput. Emmap angajua atuaqatigiinni pikkorinneraavoq. Taanna illoqarfiit arlaata naalagaani suliliivikkunarpoq."



Arnap pinnersaat isigaa, sulili akerianngitsoq
anitsiartarfimmi hiistit tikiuppallattut
tusaaneqarsinnaalerput.

Clarap ataatani hiistertunut ilaasoq
takugamiuk tupaqaq. Ingerlaannaq
angutaata takuaa.

“Clara!” kamappasilluni suaarpoq
ornillugulu.

Ataataminit naveersilersoriniarluni
pakkutaarneqaannarpoq.



“Taamatut asuli qimaapajuinnarsinnaanngilatit! Tamaani suit?”

Clara qissasernaveersaarpoq.

“Atuassagama,” aalajangersimalluni akivoq.

Ataataata isigeriarlugu assaaniittoq pinnersaat qiviarpaa.

Tigoriaraluarpaa Claralli tigulluartitaaginnarpaa.

“Ataata! Niviarsiaqqat allat maani atuarput!” Ataataa unippoq.

“Danieli oqarpoq allaat ilaat kunnginut sulisuusut.”

Aatsaat taama oqarmat ataataa Danieli nerriuviusap sanianiittoq
takuaa.

“Daniel, ilumut taamaattoqarpa?” aperivoq.

Danielip ittoorpasilluni nutsani kumippai. “Aap, kunngi. Maani
niviarsiaqqat pikkorissut amerlasuut atuartuupput.”

Ataataata Clara qiviarpaa.

“Ilumoorlutit atualernissat kissaatigaajuk?”

Ataatani eqsimmiuppaa.

“Assorujussuaq atuartunngorusuppunga.

Silarsuaq angallavigerusuppara. Qarmarsuit ungataat
takusaqarfigerusuppara.”

Ataataa anersaaruluppoq talinilu nusullugu.

“Taamaanniarlimi, kisianni pinnersaatit akiliutigissanngilat.”

Paarlaallugu tajani kuulteq nerriviusap qaanut ilivaa. “Uma
kuultitai akiliutigissallugit naammassapput,” arnamut oqarpoq.

Arnaq anngaavoq Claralu qiviarlarlugu isinguaarluni.

“Uniformit qanoq angitigisut atussavigit?”





RAFIKIP QAAMINI QILEROQALERNERA

☰ CASPAR HAARLØV ☑ HANS BACH

Rafik saamiuvoq, talerpimminilli nerisarpaq Ghanami taamaattarmata. Ullormut tallimariarluni qinusarpaq. Atuarnini suliassanilu nakkutigilluarpai. Allalli tamaasa assigerusunngilai. Sakkutuuni nakorsanngorniarpog. Nunarsuaq takorusuppaa. Aamma arsaltut malinnaaffiginiassagamigit tv iluarserusuppaa.

Rafik 11-nik ukioqarpog illoqarfissuullu Tamalep avannaani Langami najugaqarluni. Angajua Faisalimik aleqaalu Shikuriyamik ateqarput. Aleqaa ikiortaalluni illoqarfimmi allami atsakkumini najugaqarpog.

Tuluttoonerit nuannersut

Ullaaralaajuvoq. Rafik atuaqatinilu meeqqat allat muslimusut araberit oqaasiinik ilinniarput. Naqinnerit ilikkalerpai. Ilinniartitsisoq peqatigalugu korani araberisut atuarpaat. Langarmiut amerlanerit muslimiupput. Ikittuaqqat kristumiupput. Oqaluffeqanngimmat kristumiut illoqarfimmi saniliminni naalagiarput.

Ullup sinnera atuarnerat tuluttut ingerlavoq. Atuaqatigiilli tamarmik angerlarsimaffimmini araberisut tuluttulluunniit oqalunneq ajorput. Naggueqatigiinnut dagombanut ilaapput oqaasiilu taaguuteqarput dagbani. Atuarfimmi ukioq siulleq ilinniartitsisut dagbanitut oqalupput. Maannali tuluttuinnaq oqaluttarput.

Ilaanni malinnaaniarneq ajornakusoortarpog. Atuarfik atuakkanik amigaateqarpog. Inaat uumasuaqqanik toqoraatisunniippoq kiaqalunilu. Qilaamiikkaluarpog supoortartoq kisianni atorsinnaajunnaarnikuuvoq.

RAFIK

Atuarfiup qaava iluarsaanneqarmat ledningit tillinneqarsimapput. Taamanili innaallagiarupput. Tuluttooraangamik tamakku Rafikip puiortarpei. Tuluit oqaasii ilinniartarpaat pinnguarlutik erinarsorlutillu. Ilinniartitsisup arsaq atuartunut naluttarpaa tuluttut aperiitigaluni. Atuaqatigiit illoqqasunngorlutik erinarsortarput, qitillutik illartarlutillu. Anitsiarfimmi arsarput. Rafikip ikinngutiginerpaasani Sadat iligisuaannangajappaa.

Atuareeraangami Rafikip ataatani akkanilu narsaammi ikiortarpei. Ilaqutariit qaqqortarissanik naatitsisarput. Ataataata siallernissaa suli utaqqivaa. Ulluni qaninnerni siallinngippat naatitsiniarnerat ajutuussaaq.

Angerlamut aqqutaani ataatanilu moske aqqusaarpaat. Tamatuma kingorna ilinniagassani suliarai. Ataataa illoqarfimmut isumannaallisaasutut suliarporpoq. Rafikip tv-imi arsarput isiginnaarsinnaanerlugit aperaaq, arnaata itigartippaa. Aamma tv atorsinnaangilaq.

Rafik Sadatilu 5. klassiupput. Rafikip tuluttoorneq nuannarinerpaavaa.



Rafik ataatanilu ullut tamaasa moskemi qinusarput. Moske illuata ungasinngisaaniippoq.



Rafik pinnguariarluni aneertuaannarpoq. Illoqarfeeraq meerarpassuaqarmat pinnguaqatissaqartuaannarpoq. Attortaapput. Qasugamik qisuit sinaannut ingipput.

Qileroqalernerata oqaluttuassartaa

Sadatip Rafik eqqaasippaa tamaani kilernerminik qileroqalernikuusoq. Rafik anngaavoq. Nukappiaraqataasa qanoq qileroqalersimanera tusarusuppaat. Rafik oqaluttuarpoq:

Taamaalluta taarserseersoq attortaappugut. Qisuit qaleriiaat toqqorfiginiarsaraakka. Orlugama qisuk niaqunnut nakkarpoq. Kilerpunga. Qianngilanga. Angerlarpunga. Ataataga sulivoq. Taava akkagalu motorcykelerpugut. Illoqarfeeraq taarinnaq ingerlavigaarput. Sukkalisaaqaluta ingerlavugut. Aassunni, kiagussunni benzinasunnilu naamavakka. Ujaqqat aqqusaakkavut tamaasa malugisinnaavakka. Kiisami sakkutooqarfimmut pivugut. Sakkutuut napparsimaviata isaariaa sungaartunik pæreqarpoq. Kaajaluisaq, qeqqani orperujussualik iserfigaarput. Sakkutuup oqarfigaatigut issiavimmut ingilluta utaqqissasugut. Issiaviit iigarfii "gye nyame"-tut iluseqarput –



Rafikip anaanaata
TZ nerisassiarai.
Taakku assammik
nerineqartarput.

ghanamiut oqaatsimut "guuti angivoq"-mut ilisarnaatigititaat. Imminut qinnullunga aallartippunga. Neriullunga guutip annaatissagaanga angajoqqaakkalu aliasutsissanngikkikka. Nakorsaq uniforme qarpog tuluttullu oqalulluni. Inimut eqqiluitsumut nillertumullu iserpugut. Kilternerma salitsinnera annernalaarpoq. Nakorsap niaqukkut kapimmanga anniarunnaarpunga, nakorsallu ikera mersorlugu aallartippaa.

Rafikip oqaluttuaa naavoq, taarsilerporlu.

Rafik nakorsanngorusuppoq

Rafik angerlarami errorpoq qinujartorlunilu iniminukarluni. Anaanaata TZ-it nerisassiarisimavai. Taaguuteqartut tuo zaafi. Taakku majsinit panertitanit kassaavanillu qajuusianit sanaajupput suppitaalu naasunit okranit. Rafikip anaanani oqaluttuuppaa meeqqat qanoq qileroqalersimanini tusarusullugu oqaluttuarteqqissimagaanni. Anaanaata illaatigaa. Anaanaata ilimagaa Rafikip qileroqarnini kakkappasissutigimmagu oqaluttuartertissimagaat.

Ilaanneeriarlutik sakkutooqarfimmi nakorsat Langamukartarput. Taava meeqqat akeqanngitsumik nakorsiarsinnaasarpud. Rafikip qileruni attorpa. Nammineq aamma allanut ikuuussinnaarusuppoq. Oqarpoq angisuunngoruni sakkutuunut nakorsanngorusulluni. Taava uniformitaassaaq. Anaanaata isumaqatigeqaa. Oqarpoq nakorsanngorusukkaanni ilinniagassat suliarisariaqartut. Rafikip ilinniagassani naammassereersimagamigit aperaaq maanna arsartut isiginnaarsinnaanerlugit. Tv iluarsaassinnaaguniuk isiginnaarsinnaagai arnaa oqarpoq.



Rafikikkut attortaa-
teqatigikkut.

**ASSIT FILMILLU TAKUSINNAVASI UANI
HELEVERDENISKOLE.DK/RAFIK**





GHANAMI ATUARFIIT ILAI IMMICKUT ITTUT

– atuarfinnik suliniutit iluatsikkaangata

Oxfam Danmark 2000-miit Ghanami sulisimavoq. Pikkorissor-passuit suleqatigisimavagut. Meeqqat amerlanerusut atuartunngorniassammata atuarfiillu pitsaanerulerniassammata ilinniartitsisunngorniat amerlinissaat sulissutigaarput.

Nunaannarmi atuarfiit

Oxfam Danmarkip Ghanami piitsoqarfiunerpaani immikkut itturnik atuarfiliorerit peqataaffiginikuuai. Taaneqartarput atuarfiit wingit. Nunaannarmi avinngarusimaqisuni atuarfeqarneqanngitsumi sanaartorneqarput – meeqqat najugaqarfiinut qanittuni. Illoqarfeerarmiut meerartaat nukarlit amerlasuut atuarianeq ajorput atuarfiit ungasippallaaqqimmata. Atuarfinni wingini atuartut oqaasii atorlugit atuartitsisoqartarpoq – allanitut tuluttut atuartitsineq ajorput. Meeqqat 20.000-nit amerlanerusut suliniut taanna aqqutigalugu ikiornikuuagut.



Atuakkami uaniittoq Happy atuarfimmi wingiusimasumi atuarfikkuvoq, Oxfam Danmarkip aallartitseqataaffiginikuusaani. Maanna atuarfik Ghanami naalagaaffiup ingerlatarilernikuuaa. Tamanna sioqqullugu meeqqat 10 km pisullutik atuariatortarput. Maanna Happy 5 min. pisulluni atuariatarpoq.

Niviarsiaqqat atuarfii

Oxfam Danmarkip arlaleriarluni niviarsiaqqat atuarfii tapersortarnikuuai – ingammik niviarsiaqqat ilaqutariinnit piitsuunerpaaneersut. Ilinniartitsisut niviarsiaqqanik atuagarsornikkut atuarfiullu avataani tapersersuisarput. Atuarfimmi ilinniartitsisut arnat amerlapput. Taakku nuannaartunartuupput niviarsiaqqallu atuarneranni eqeersimaarnissaannut isumassarsiorfiusussaallutik – nappaasarnissaannut isumaminnillu annitsisarnissaannut. Taamaaliornissamut niviarsiaaraanerat iluaqutaasarpoq. Niviarsiaqqat imminnut tatiginerulertarput takorluukkamilu anguniarnissaannut qunusuinnerulertarlutik, taamaalillutillu ileqqutoqqanit aniguisinnaallutik.

Niviarsiaqqat 10-ugaangata 9-t niviarsiaqqat atuarfiat naammasisarpaat. Niviarsiaqqat taakku ilai maanna ilinniaqqillutik aallartinnikuupput – ilinniakkani siusinnerusukkut nukappiaraannangajaat ilinniarfigisarnikuusaanni. Soorlu teknikkimut peqqinnissamullu tunngasuni. Niviarsiaqqat atuarfii maanna naalagaaffiup Ghanap akisussaaffigilernikuuai, atuarfinnillu allanik taamaattunik sana-soqaqqinnikuulluni. Maannamut niviarsiaqqat 4.340-t atuarfimmi taamaattumi atuarfikkuupput.

AtuaRaketimi uani Rahi niviarsiaqqat atuarfigisimasaanni atuarfikkuvoq. Taanna naalagaaffiup akisussaaffigilernikuua misilittakkallu pitsaasut ingerlateqqillugit.



AASIAK QUMMUATTARLU ILISIMASAASIVIK

QQALUTTUARTOQ: ROLAND YAHAYA
QQALUTTUAREQQIISOQ: LINE GØRUP TROLLE
ULRIKKE BASTIAN STAKEMANN

Ghanami oqaluttuartaanneq ileqquuvoq. Nunami kulturit tamangajammik oqaluttuartaanneq ileqqoraat. Uumasut inorroortut inuttani pingaarnersaagajukkaluartut oqaluttuat inunnut oqariartuuteqartarput. Una qummuattamik ilisimasaasivimmik oqaluttuaq Ghanami tamangajammik ilisimaneqarpoq. Assigiinngitsunik oqaluttuarineqartarpoq. Naggueqatigiit dagombat ima oqaluttuarisarpaat.

laannigooq aasiaqarpoq Yemgarinaamik atilik. Nunarsuarmi tamarmi ilisimassuseq katersorniarpaq nunarsuarmilu tamarmi silatunerpaangorluni. Qummuattamik sanigutinillu pisivoq. Angalavoq ilisimasallu nassaani tamaasa sanigutinik katersoriarlugit qummuattamat ikiorarpari. Naammassigami qummuattaq matulluarpaq.

Orpimmut portunerpaarpaamukarpoq. Allat qummuattaq tigoriarlugu namminerminit silatunerulinginniasammata tassunga nivinngarniarpaq. Qummuattaq saaminut nivinngariarlugu orpik qummukarfigilerpaq. Taavali nakkarpoq. Kamaqaaq isumaqarlunilu tiaavulup sinngagingaaramini nakkartikkaani. Majuaqqeriartaraluarpoq. Qummukalaaginnarlunili nakkartarpoq.

Kamassimalluni aliasullunilu orpiup ataanut ingittorlu ernera takkuppoq. Ernera Tibomyenimik ateqarpoq isumaqartoq "ilisimassuseq ugartigu". Tibomyen ataatinut oqarpoq: "Qummuattaq saanniitinnagu nammakkukku orpik majuarfigisinnaanngussavat."

Yemgarinaa ernermi oqarneratut iliorpoq qummuattarlu nammallugu qummukarluni. Tamatumuuna nakkangilaq. Nuuanut pigami nuannaqaaq. Pakatsillunili eqqarsalerpoq: "Isumaqarlunga silarsuarmi ilisimasat tamaasa katersorlugit. Ernermali qummuattaq nassarlugu qanoq orpimmut qummukassanersunga nalunngilaa. Uangalu nalullugu."

Iliuserisinnaasaa ataasiinnaavoq. Qummuattaq ilisimasaasivik nakkartippaa. Tuusintilippassuanngorluni sequmippoq ilisimasallu nunarsuarmut tamarmut siaruarput. Ilisimasammi inuup ataatsip kisimi pigisinnaanngilai.

GHANAMIUT
QQALUTTU-
AATAAT



RAHI

RAHIP UNAMMEQQAARNERA

☰ CASPAR HAARLØV 📍 HANS BACH

Rahi sisamangortoq iterpoq. Suli taarpoq. Illup qaavisa ivigaasut aalataarpalunnerat tusaaneqarsinnaavaa. Aanaa qannguivoq. Ungasissumi savaasaaqqap arnani meertorfigerpalukkaa tusaasinnaavaa. Rahip illortaani Prosper Peacelu itersarpai. Tarrup ataani tujuuluaqqatik nassaareriarlugit kaajaluisamut – illut marrarnik iigalersukkat akornanniittumut – anillapput.

Takusaqarpiarsinnaangillat. Kukkukooq, imermut tankip qaani sinippoq. Illooraata nukarliup kukkukooq sakallugu nakkartittoorjaa. Kukkukooq sulussorlunilu qarlorpoq. Rahip sinileqqinniassammat tuaviinnaq isai asseriartorpai. Akkaani atsanilu itertinginniassammagit.

Niviarsiaqqat qattat niaqquminnut ileriarlugit ingerlapput. Rahi angajullersaavoq. Illoqarfeeqqakkut taarinnaasukkut niviarsiaqqat isumannaatsumik ingerlannissai isumagisussaavaa. Illoqqanili qingasaalaangitsoorsinnaangilai. Unipiloortarpoq malinnitsini imminnut aportillugit. Taava sukkaasuumik pisuleriasaartarpoq malinnaaniapiloortilerlugit. Aamma tunumini malerusaaraanni nersussuaq aqquataannarmi sinittoq pingasoriarluni kaajallappaa. Nukarliit illakulullutik malinnipput. Rahip isussuffigai nipaarsaassasut. Inuit illuni sinnupput. Rahi pequilerangat nipaarsaarniarneq ajornakusoortarpoq.

Imertartarfimmi meeqqat allat ilassivaat imerlutillu. Angerlaramik imeq piareerpaat, Rahillu kukkukuaqqat nerisippai.



Atuarfik ungasissumiikkaangat

Rahip atuarfimmi uniformini ativai. Suaasat siatat ippassaammat sinnikut nerivai taskinilu nammakkiullugu. Aanaa, akkaa atsakkullu suli sinipput. Illortaavi innaqqipput.

Rahi akunneq ataaseq sikkilerluni atuariartarpoq. Sikkilernerani seqineq nuisarpoq. Orpiit isugutaasa qaffakaaneranni uumasut iterartarput nunallu qalipaataa ersertarluni. Nuna tarrajulluni quilertanakujukkaluartoq qorsuunera, aqqusernup aappalunera qilaallu qaamana alianaattaqaaq. Siullermik immikkut matematikkissapput. Taava ilanilu atuarfik piareersassavaat. Imertassapput, anitsiartarfik sanissavaat inillu toersarlugit. Taava marlut tungaanut atuassapput. Kingornalu immikkut atuartoqaqqissaaq.



Anitsiartarfimmi imermut pumpeqarpoq atuartut imeriar-tortarfiannik.



Rahi nivarsiaqqat atuarfiannut isersinnaajumalluni misilitsinnermi anguseqqaartariaqarpoq. Akkaamini atsaminilu Noah aamma Sarakkunni najugaqarpoq.



Rahi 14-inik ukioqaraluarluni 7. klassimi atuarpoq. Angajoqqaanilu illoqarfeeraanni atuarfeqanngilaq. Maanna periarfissaqalerami nivarsiaqqat atuarfianni atualernikuuvoq. Akkakkuminilu atuarfimmu qaninnerusumiittuni najugaqarsinnaalluni. Anaanani ataatanilu maqaasisaraluarlugit atuarusuppoq. Napparsimasunut paarsisunngorusuppoq. Naammassilluni angerlaruni angajoqqaani nunaqqatinilu ikiorsinnaangorniassagamigit.

Atuaqatai amerlasuut aamma ilaqtariinnit piitsuninngaanerput ungasissumi najugalinni. Arlallit atuarfimmi atuangitsoortarnikuupput. Taamaammat ullut tamaasa immikkut saniatigut atuartitsisoqartarpoq. Rahip nalunngilaa nivarsiaqartoq atuarnissaminnut akuerineqarsimangitsunik. Suli Ghanami nivarsiaqqat katiartartut amerlapput. Imaluunniit angerlarsimaffimmi ikiuunniassagamik atuartuunngitsut. Taamaammat nivarsiaqqallu ikioqatigiittarput tapersersoqatigiillutik.



Niviarsiaqqat atuarfiat nutaajuvoq 2016-imingaanneersaq. Atuaqatigiit 38-usinnaapput. Uniformii qaqortuupput tunguusartallit.

Aamma niviarsiaqqat arlaat ullut arlallit atuangikkaangat atuarfik ikiuuttarpoq. Atuarfiup pisortaata ilaqutariit oqaloqatigisarpai. Ilinniartitsisut ilai niviarsiaqqat atuarunnaanginniassammata ilaqutariinnut pulaartarput. Ilinniartitsisut amerlanerit arnaapput. Niviarsiaqqat eqeersimaartuunissaat kissaatigaat. Atuarnermi peqataalluassapput, nappaasarlutik isumartillu annittarlugu. Atuaqatigiillu niviarsiaanaagaangata tamakku ajornannginnerusarput. Niviarsiaqqat imminnut tatiginerulernissaannut iluaqutaapput. Rahi aamma taama isumaqarpoq.

Maannali Rahip eqqarsaatai allarluinnaapput. Arsarneq kisiat eqqarsaatigaa. Ullumi atuarfiup arsaqatigiivisa aappaannut ilaalluni arstartussaavoq.

Arsaalluni unammineq

Rahi suillermeerluni atisanik unammissutinik orangeanik tunisippoq. Ingerlaannaq ativai. Kiisami ukioqatini arsaqatigissavai. Misiliillutik unammilerput. Naluaa unammisussanut ilaatitaasalissanerluni.

Arsarnissanili qilanaareqaa. Seqinnareqaaq kiaqaluni. Arsaaffimmi qisualoqarpoq ivikkallu portullutik. Arsaq tunniunneqarpoq. Arsaq tigoqqaarmagu ingerlaannaq unammisaasa sisamat arsaarniarsaraat. Tunniuppa. Sandalini katappaa, arpaannarlu piareeqqilluni. Arsaq annavaat akeraallu isertitsillutik. Niviarsiaqqat ilaasa ivikkani naasut niuinnut atisaminnullu nipputtarnerarlugit naammagittaalliutigaat. Tamakkuli Rahip ajorsarusunngingaarami maluginngilai. Arsarneq naaliivippoq. Akeraat saassussipput. Rahi tackliivoq, arsaq tigullugu kontrarput arsarlu isertillugu!

Naligiileramik straffeqattaartariaqalerput. Rahikkut iloqqasunngoqqapput. Akeraasa isertitseriarneq kingulleq iluatsinngimmassuk orangeat nilliallutik eqitaarput. Rahip qamanngarujussuaq nuannaarnini malugisinnaavaa.

Rahip aamma tv-ikkut arstartut isiginnaassallugit nuannarai. Ghanami nunanut allanut unammisartut Black Stars illersortarpai.





Ullup-qeqqarnerminni Rahi suaasanik pisivoq alanngumilu ilani nereqatigalugit. Unaminertik oqallisigiitigalugu atisaminni naasut paaarpaat.

Rahip ilaqttani maqaasivai

Soraaruni tuaviinnaq angerlassaaq. Unnukkorsiutissanik piareersaaqataasussaavoq. Ullumi qaqqortarissat sheat kaajaluisami piareersassavai. Ilaanni narsaatimi ikiuuteqqaartarpoq.

Nerereeramik Rahi qaammartartuaralerluni ilinniakkerivoq. Nukarliit sinilereersimapput. Aanaa qannguivoq. Illup qaavi ivikkat nipiliorput. Tarrup ataani ilaqttani eqqarsaatigai. Neriuppoq qanittumi takussallugit. Atuarfiup arsamik unammisartuinut ilanngutitaassaguni atsani aperissamaarpaa angajoqqaani oqaluttuunniarlugit sianerfigisinnaanarlugit. Kingullermik angajoqqaani qatanngutinilu juullimi oqaluuppai. Maanna maajinngoriikatappoq. Qaammartartoq qameriarlugu illortaami saniannut madrassimut saattumut innarpoq.

Ungasissumi savaasaaraq anaani ujarlugu meertorpaluttoq tusaasinnaavaa.




360°

Rahikkunni qaqqortarissanik piareersaaneq peqataaffigisiuk.

FILMIT ASSILLU UANI TAKUSINNAVASI HELEVERDENISKOLE.DK/RAHI





LÆSERAKETTEN UKIUNI 20-NI

Atuagaq LæseRaketten 20-ssaat Oxfam Danmarkip suliaraa. Nunat Afrikami, Amerika Kujallermi, Kangia Qiterlermi Asiamilu tike-raarnikuuagut. Ukiut ingerlanerini atuakkani 2 million sinnilinni meeqqat nunani allani inuunerat oqaluttuarineqarnikuuvoq. Oqaluttuat pingaarutillit eqqarsaatissiisullu. Nunarsuarmi meeqqat inuunerat assigiinneqaaq. Taamaakkaluortoq amerlasuutigut assigiiffeqarpugut. Meeqqat amerlanerit siunissamut neriu-

uteqarlutik takorluugaqarput. Nunaminni eqqissineq isumannaatsuunerlu, namminneq ilaquttatillu ajunngitsumik inuuneqarnisartik pillugit.

Atuakkani tamani aamma takorluukkialersaarutinik oqaluttuaqartarpoq, atuakkiortut titartaasartullu LæseRakenimut suliarinikuusaat.

Atuakkat 20-t nittartakkatsinni nassaarisinnaavasi.

**HELEVERDENISKOLE.DK/
BIBLIOTEK/LÆSERAKET-ARKIV**



ATUARAKET 2023

Naqinnera siulleq
© Oxfam IBIS
ISBN: 978-87-7208-445-9

Brønderslev Forfatterskolemut ilinniartuinullu kiisalu titartaasartunut tunniussassinut qujanarujussuaq. Immikkut qutsavigaagut Dorthe Nielsen, Alexander Bach, Rebecca Bach aamma Cecilie Eken isumasioqatiginerinut oqaaseqaateqarnerannullu.

Qujanaq Læsepædagoginimut isumasioqatigineranut saqqummersinnissaanullu tapiissuteqarnerannut.



LæseRaketten aamma AtuaRaket 2023-p imai Oxfam IBISip akisussaaffigai taamaallitullu tunisisut aningaasaliisullu isumaannik ersersitsisuunatik.

Aaqqissuisoq

Line Gørup Trolle

Foto

Hans Bach, Andreas Bech, Juan Gabriel Estellano, Emmanuel Museruka, Line Gørup Trolle aamma William Vest-Lillesø.

Ilusilersuisoq

Peter Waldorph

Kalaallisuunngortitsisoq

Kathrine Knudsen Broberg

Siammarterisoq

Ilinniartitaanermut Aqutsisoqarfik
Kissarneqqortuunnguaq 20
Postboks 1610
3900 Nuuk
Oqarasuaat 345000
www.ila.gl

Atuakkami titartaasut atuakkiortullu pillugit paasisaqarnerusinnaavusi uani heleverdeniskole.dk/tegnere-og-forfattere-2023/

SHELLA



EZEKIEL



BILENGBAN



HAPPY



RAFIK



RAHI



UKIOQ MANNA ATUARAKETIP GHANAP AVANNAA TUNGAALIAQATIGISSAVAASI

Afrikap Kitaani demokraskimik ingerlasut siullersaat tikissavarput. Tamaaniipput kuussuit voltat narsarsuartigut sangujoraarlutik kuuttut. Nuna gultinik, kakaoimik uuliamillu ulikkaarpoq, pisuussutilli agguarnerat pitsaanngilaq. Nunap avannaatungaani piitsuussuseq annertoqaaq meerarpassuillu atuartuunatik.

AtuaRaketimi meeqqat Ghanap avannaatungaarmiut tusarfigissavasi: Sheilla 8-nik ukiulik ullaat tamaasa atuarfimmi erinarsogataasartoq. Ezekiel kuussuarmi Voltami aalisartartoq qillertuusaaqqanillu biileeraliortartoq. Bilengban siunissamut pilersaaruteqartoq nunaqarfimminnilu kisiartaalluni passimmiulik. Happy anaanani qaqqortarissanik katerseqatigigaa ilinniartitsisunngornissamillu takorluugalik. Rafik nakorsanngorusuttoq nunarsuarlu angalaffigalugu. Rahi atuarniassagami angajoqqaani ungasillugit najugalik. Meeqqat tamarmik ulluinnarni inuunertik, neriuutitik takorluukkatillu oqaluttuaraat.

AtuaRaket aamma takorluukkialersaarutininik titartakkanillu alutornartunik imaqarpoq atuakkiortut titartaasartullu ilissinnut suliaat.

FN-ip Nunanut anguniagai 17-it tunuliaqutigalugit nunarsuaq allanngortissinnaavarput. Anguniagaq 4-miippoq meeqqat tamarmik ilinniartitaanermik pitsaassusilimmik pisinnaatitaaffeqarnerat. Sulili nunarsuarmi meeqqat 67 millionit atuartuungillat. Ghanap avannaatungaani meeqqat pingasuugaangata ataaseq atuartuuneq ajorpoq.

AtuaRaketip atuarneratigut meeqqat tamarmik pitsaassusilimmik ilinniagaqarnissamut pisinnaatitaaffeqarnerannik ukkaseqataatitsivusi.

AtuaRaket aamma LæseRaketten 2023 atuarluarisigit!